

王雲五主編
鄧恭三著

宋韓忠武公世忠年譜

臺灣商務印書館發行

中華民國七十五年六月初版

版權所有
翻印必究

宋韓忠武公世忠年譜 一冊

基本定價一元八角正

著者 鄧 恭 三

主編者 王 雲 五

發行人 朱 建 民

印刷及
發行所

臺灣商務印書館股份有限公司

臺北市重慶南路一段三十七號

登記證：局版臺業字第〇八三六號

至唐五代以前，不事儒。如由唐人說史亦可
證之。蓋其初無所聞成，而宋以後乃讀之也。
其於治一略，二元傳書，此實地家以復
自強之也。是為年之十有前行之如像。

今乃始意於及妙哉，讀書中則固稱乃道西
東母。雖亦有不長侯不精之七系同臨者回籍，
以此進焉指古語，事及福生，以此敬彼或防其
習，切之知過也，雖有等處，特作時日設一回
心位，命為有時同治人而回也後，公論於若里
境，計取才亦南也。則善教行、格有年諸君內

式有之等門也、是向新上人等心及土地者也
 然則、今計之是二万餘石也、即憶の十季前未
 竟之功、即考二三年、若一而經訪遺使即計其
 、是即計之三万餘石也、一而通野村等及是所
 有方代表也、即定仍留二万餘石、一而通諸國
 常引、而為後主都之改常引、雖在二二万石
 之也、而後主主諸常引之也、二万餘石也
 其主之取定記証、世々傳世常引、後將孤本之
 主議先行之也、而後主主將之也、而後主主
 乃、而即決定日本年四月朔日、常引十餘、分

新編中國名人年譜集成附詳盡索引序

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館劫後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木版古籍十四萬冊，其中括有年譜一百二十三種，連同中國史地叢書所收館內外專家新著如千種，合計不下二百餘種，得暇輒加研究。藉悉年譜之作，實始於宋，多數爲譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代爲編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝爲勝朝所撰，遇有不利於新朝之記載，無不刪汰，甚或曲筆爲之。幸而我國修史者多爲具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此爲宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之迫眞；然合冶一爐，亦足備參證，然究非宋以後年譜之比也。是爲余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名爲財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。緬懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一爲卅二開本。查古籍多爲二十四開或三十二開。卅二開本者，其原式大小不變，廿四開者略予縮小，字體亦朗然可觀。至原史地叢書係卅二開本，除字體過小予以重排，餘則照原式景印。人人文庫本爲四十開，字體略小，研究年譜者多爲中年以上之士，因一律放大爲卅二開，則字體隨版式而加大；且集成全書可大小一致，間有佳作爲同業出版而必須納入集成者，則當洽讓版權，想同業樂觀厥成，當不難達成協議也。是爲序。

中華民國六十七年三月十五日王雲五

序

年譜依編年順序記載一人生平之事蹟，宋以後名人往往有之，大抵爲譜主自訂，或爲門生故舊所撰，亦有後人於古代名人就其著述，考其事蹟，爲之編訂者。年譜所述言行事實，大都詳確，可補史書之闕失，此其可貴處。

商務印書館從事編輯歷代名人年譜，始於上海，主其事者爲本館王故董事長雲五先生。遷台後，及雲老復主持本館，以前在大陸所藏圖籍散佚，重新蒐集，歷年所得舊刊新著，已達二百餘種，定名新編中國名人年譜集成，自民國六十七年四月起分輯發行，每輯十冊，迄六十八年雲老逝世之時，已刊行六輯。七輯以後自本年起照原定計畫陸續刊行。今雲老雖已謝世，不克親睹全部計畫之完成，然各輯目錄早經其生前決定，爲誌其四十餘年來與年譜集成之編輯工作相始終，仍標明雲老主編。雲老逝世後，本館另行蒐集者。因不在原定目錄之內，刊行之時，則不標明主編。

臺灣商務印書館編審委員會

民國六十九年四月二日

序例

南宋中興諸將，舉世以韓劉張岳並稱，就中忠貞之節，武穆爲最；功業之偉，則當推蘄王；劉錡純謹可稱而勳績稍遜；若張俊則養威避事，附權媚能，較之劉光世雖或稍優，於四人之中要爲最下矣。武穆厄於權姦，終且爲所鍛鍊誣陷以死，然自秦檜身死之後，迄其孫珂籲天辨誣，纂成金陀粹編之時，不唯枉屈盡已獲伸，其經綸志節亦遂炳耀千秋而爭光日月；劉錡身後則有章穎等人爲之傳以布於世，詳述其軍功政績，氣概行誼；其在張俊，亦且有姜夔慕厥大功，惜其細行小節之罕爲人知，矻矻然訪問搜採，編爲張循王遺事一書，以補國史之遺（見樓鑰攻媿集七十一，跋姜堯章所編張循王遺事）；然明受之變，慷慨赴義以竟成復辟討叛之大業者，韓蘄王也，黃天蕩與金人相持，終使兀朮僅以身免，金軍狼狽遁去者，韓蘄王也，大儀鎮重挫金軍，建中興以來之首功者，亦韓蘄王也，則謂南宋立國之基均爲蘄王所手奠未爲過也。然而除正史之外竟無一人焉鋪敘其性行，網羅其遺事，雖其盛德豐功自足不朽，本無所藉賴乎此，而視彼三人終爲寂寞，此則道古者之所常致憾而本譜之所由作也。撰述凡例，

略誌如下：

一、本譜以輯本宋會要稿，徐夢莘三朝北盟會編，熊克中興小歷，李心傳建炎以來繫年要錄，杜大珪名臣碑傳琬琰集，李幼武名臣言行錄及宋朝南渡十將傳，宋史等書爲主要取材之所。繫年要錄博參羣書，多所考定，視它書爲最詳，故本譜取材於其中亦視它書爲尤多。方志筆記文集中之涉及韓氏事蹟者，亦均旁搜博採，期少遺脫。

一、南宋寧宗朝章穎撰次岳飛，劉錡，李顯忠，魏勝四人事蹟，是爲南渡四將傳，其自序有云：「中興以來，諸大將宣皇威，敵王愾，垂功名於竹帛，紀勳伐於金石，眷遇始終，無遺憾者。獨此四臣，或困於讒姦，或抑於媚嫉，……志不獲伸，目不瞑於地下，跡其規恢次序，實係當時之強弱，關後世之理亂，使不詳記而備載之，則孰知機失於前而患貽於後世哉」。是其書唯以四將爲限也。後來刻本乃均益以韓世忠、張俊、虞允文、張子蓋、張宗顏、吳玠而改稱宋朝南渡十將傳，其中唯吳玠傳極疏略，似是屬筆未成之稿，韓世忠、張俊、虞允文、張子蓋、張宗顏五傳則記敘均詳核完贍，取與宋史各本傳相核，知史傳即從此出，疑其本爲國史中之正傳也。韓傳記建炎二年四月與金人戰於西京事有云：「世忠被矢如棘，力戰得免。還汴，詰一軍之先退者皆斬左右距」。此與繫年要錄及趙雄所撰墓碑中「一軍皆斬左右趾以徇」之說全相脗合，宋史本傳敘此事之文與十將

傳全同，獨以「距」爲字誤，改而爲「懼」，遂與事實大相謬戾。本譜唯以十將傳爲據，不復引錄史傳。

一、凡各書同記一事而情節互有出入者則遍錄各書之文，依其事之順序而比次之，其得失可得而斷定者，間亦加以考案。若僅有詳略之不同而大體不殊者，則引錄最詳之一書而它書從略。

一、凡一事與他人之行事有涉，非徵引不足以明其原委者，則取徵於記載較簡之一書，庶梗概可得略見而不至有喧奪之弊。

一、方今士林通病，在束書不觀而好縱談史事。卽如創作之文固應與考史之作殊科，然若以「歷史劇」或「歷史小說」爲名者，則終以大致不背於史實爲是，乃近今所有涉及韓氏或其夫人梁氏之作品，大都肆臆妄爲，不稍考核。抗戰以來後方書籍之不易獲得當亦造成此現象之主因。編者有鑒於此，故本譜編制，僅將各書資料詮次排比，不復施以修潤融貫之力，一以保存各書之真，一以便於參考者之自行擇取。所冀刊布之後，時彥如再有作，肯就此而取材焉，則亦庶乎其不悖矣。

一、各書所記地名人名多參差互出，如紹興十年八月韓氏部將解元與金人交戰之地，或作郟城，或作譚城；金之統帥四太子，或稱其漢名作「完顏宗弼」，或用其番名作「兀朮」，

而滿清更改譯爲「烏珠」；金穆宗子之爲統帥者，或稱其漢名作「完顏昌」，其番名譯音則或作「撻懶」，或作「撻辣」，而滿清更改譯爲「達賚」。今所引錄亦均因仍各書之舊，不爲改易。（繫年要錄僅有清代輯印之本）

一、韓氏一生行事，不唯與安攘大計有關，其關係於一代政局者亦至密切，故本譜雖以篇幅關係未能盡量記載其時之大政措施，而世局隆替亦終可藉以覘見焉。

一、本譜草創於兩年前寓居昆明之時，中間作輟無常，迄今春方得完稿於四川南溪之板栗坳，所用書籍均假自國立中央研究院歷史語言研究所，謹此誌感。其爲研究所所無之書均無法獲覩，挂漏必多，博雅君子進而教之是幸。

民國三十一年八月二十八日記於重慶南岸之海棠溪

宋韓忠武公世忠年譜

曾祖 則 贈太師楚國公

曾祖妣 郝氏 封吳國夫人

祖 廣 贈太師秦國公

祖妣 高氏 封冀國夫人

考 慶 贈太師陳國公

妣 賀氏 封楚國夫人

公姓韓，名世忠，字良臣，延安人。

杜大珪名臣碑傳琬琰集上編卷十三，趙雄撰韓忠武王世忠中興佐命定國元勳之碑：『王諱世忠，字良臣，姓韓氏。韓氏本古列國後，爲秦所併，子孫自韓原渡河，散居延安，以國爲姓，故王世爲延安人。曾祖諱則，居鄉以義俠聞。家故饒財，賑貧藥病，多所全活。旣沒，有異人抗（指）其所葬地曰：「代代當生公侯」。後以王貴，贈太師楚國公。曾祖妣郝氏，吳國夫人。祖諱廣，考諱慶，皆贈太師，秦陳二國公。祖妣高氏，妣賀氏，冀楚

二國夫人。楚國生五丈夫子，公其季也』。

風骨偉岸，鷺勇絕人。豪俠尙氣，里俗爲變。

忠武王碑：『少長，風骨偉岸，尙氣節，能屈西邊諸豪。里中惡少年皆俛首不敢出氣，則爭爲之服役。或負責不償者，王輒爲償，負者後聞，亟持所償愧謝，里俗爲之一變。有冤抑，不以謁郡縣而謁諸王，咸得其平，由是名聞關陝。嘗過米脂秦姻家會飲，日已夕而關閉，王怒，以臂拉門，關鍵應手而斷，旦視之，其木蓋兩拱餘。關吏駭服。』

宋朝南渡十將列傳卷五，韓世忠傳：『韓世忠，字良臣，延安人。風骨偉岸，目瞬如電。早年鷺勇已絕人，能騎生馬駒。家富產業，嗜酒尙氣，不可繩檢』。

李幼武名臣言行錄續集太師韓蘄王世忠傳：『世忠家貧無生產，嗜酒豪縱，不治繩檢，人呼潑韓五』。

日者謂當作三公。

同書：『有席三者，算世忠當作三公，世忠以爲侮己，痛毆之。後到江南依世忠，贈錢三萬緡。』

十將傳：『有日者嘗言世忠當作三公，怒其侮己，毆之』。

天質忠勇，純誠不二。

十將傳論：『忠勇蓋出天質，尤純誠不二』。

宋史卷三六四韓世忠傳：『性戇直，勇敢忠義』。

孫觀鴻慶居士集卷三六咸安郡王致仕贈通義郡王韓公墓志銘：『天資拳勇，未嘗以一毫剗於人。……嗚呼，靖康建炎，戎狄內訌，天下多故，公起行間，忠憤感發，奮不顧身，以徇國家之急』。

生長兵間，習知戎事，故雖不諳書史，而能臨機制勝，一出意造。

墓志：『公生長兵間，習知戎事，……臨機制勝，一出於意造，故能以少擊衆』。

費袞梁溪漫志卷八，韓蘄王詞條：『蘄王長子莊敏公云：「先人生長兵間，不解書，晚年乃稍稍能之耳」』。

智謀勇略，兼而有之。

忠武王碑：『自起翦以來，山西出將，尙矣。呼吸雷風，動搖山岳，戰勝攻克，卓然以勇略聞者，班班不絕於冊書；至於達之以智謀，本之以忠義，如古之所謂名將者，山西蓋無幾也。秦漢而下可以言智謀忠義如古名將者，若諸葛亮郭子儀其庶幾乎。王本山西之豪，與起翦相望，而其智謀忠義，有過前修，無不及焉。……』

御軍嚴而有恩，甘苦與共，故能得士死力，且所至秋毫不犯。

李心傳建炎以來繫年要錄卷一一四，紹興七年九月辛未載太學生應詔上書論兵事有云：『